

Omladinska banka Odžak – Poziv za društvene projekte mladih

TREBAŠ NEKOG DA TE POGURA?!

[LONAC](#) čeka spreman da podrži dobre društvene projekte mladih!

Ako imaš ideju kako poboljšati život u svojoj zajednici, želiš aktivirati mlade u svojoj sredini i kreirati dobru ekonomiju u BiH, **prijavi projekat do 05.07.2018. godine do 14:00h.**

Raspoloživi fond za projekte je 14.850 KM . Fond za društvene projekte su zajednički obezbijedili Općina Odžak i Fondacija Mozaik.

Svi projekti koji prema procjeni Odbora Omladinske banke Odžak zadovolje kriterije imaće priliku da za njih glasa zajednica i na taj način im obezbijedi finansiranje. **Zajednica bira pobjednike i glasa za projekte od 19. do 25.07.2018. godine (do 14:00 h)!** Pobjednici su oni projekti sa najvećim brojem glasova (u okviru raspoloživog fonda). **Minimalan broj glasova koji jedan projekat mora da ima kako bi bio finansiran je 50.**

Za ovu kampanju, projekat možeš prijaviti ako:

1) Okupiš grupu od 3-7 članova i članica i svi imate između 17 i 35 godina

2) Svi se registrujete u [LONAC](#) na www.lonac.pro

3) Želite da provedete projekat na teritoriji općine Odžak

4) Od Omladinske banke vam treba od 500 KM do 1.500 KM

5) Pojedinci, preduzeća, ustanove, nevladine organizacije će podržati vaš projekat u robi ili novcu ili uslugama u iznosu od 50-200% od traženog iznosa (npr. ako od Omladinske banke tražite 1.000 KM, minimalni doprinos mora biti 500 KM, a maksimalni 2.000 KM)

6) Projekat ćete provesti u periodu od 20.08. do 20.11.2018. godine

Pored toga, projekat treba da:

7) Koristi zajednici u kojoj se provodi

8) Okuplja volontere i volonterke

9) Ima dodatnu vrijednost – inovativan je, uključuje one koji su tradicionalno isključeni, ima pozitivan uticaj na okoliš, pazi na ravnopravnost i sl.

10) Može da se provede u okviru navedenog vremena, sa traženim budžetom i ljudskim resursima

11) Budžet projekta je realan, detaljan i odgovara opisu projekta

Omladinska banka neće razmatrati projekat:

- koji podnosi jedna osoba, nevladina organizacija, politička partija ili javna institucija
- koji poziva na bilo koji oblik nasilja i diskriminacije ili promovira alkohol, droge ili nezdrav način života
- u čijem budžetu su planirane plate i honorari za vas koji provodite projekat, te nabavka oružja ili opreme koja se povezuje sa naoružanjem (uključujući i oružje i opremu za oružje za sportske svrhe)
- kojem je svrha nabavka elektronske opreme (foto aparati, računari, laptopi, kopiri i sl.). Ukoliko je kupovina elektronske opreme neophodna za uspješnu implementaciju projekta, u izuzetnim slučajevima može biti odobrena u iznosu višem od 30% od dodjeljenog granta. Vlasništvo i upravljanje opremom nakon provedenog projekta će biti regulisano novim ugovorom.
- čiji troškovi ne mogu biti plaćeni preko žiroračuna
- čiji troškovi pokrivaju iznajmljivanje opreme od fizičkih lica

Važne napomene:

Da bi projekat bio razmatran u ovom pozivu, potrebno da za popunjenu prijavu najmanje tri člana/članice projektnog tima kliknu na **Pošalji do 05.07.2018. (do 14:00 h)**, kako bi prijava bila u statusu U provjeri. U slučaju da prijava do ovog roka bude u statusima U pripremi ili Projekat čeka na odobrenje za slanje, neće se uzeti u razmatranje za ovaj poziv. Svoj projekat počni na LONCU u dijelu [GRANT OB PROJEKAT](#).

Ukoliko projekat pobijedi u kampanji, grupa potpisuje ugovor o dodjeli bespovratnih novčanih sredstava sa Fondacijom Mozaik i u obavezi je dostaviti potvrde koje dokazuju doprinos zajednice. Na potpisivanje ugovora, svaki član i članica tima mora pokazati dokaz o identitetu i godinama (lična karta ili drugi dokument).

Za više informacija pročitaj koji su dosadašnji rezultati [Omladinske banke Odžak](#) i ko su članovi i članice [Odbora Omladinske banke Odžak](#). Za lakše pisanje i popunjavanje prijave pročitaj vodič [Kako do projekta Omladinske banke](#).